

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 1068627 23 St
Sarajevo, 17.04.2024. godine**

Općinski sud u Sarajevu, i to stečajni sudija Nebojša Joksimović, rješavajući po prijedlogu za otvaranje stečajnog postupka nad privrednim subjektom "KONIS" DRUŠTVO ZA USLUŽNE DJELATNOSTI SA OGRANIČENOM ODGOVORNOŠĆU SARAJEVO, ul. Skenderija br.27, Sarajevo, donio je dana 17.04.2024. godine, slijedeće:

R J E Š E N J E

I Pokreće se prethodni postupak za utvrđivanje da li postoje uslovi za otvaranje stečajnog postupka nad privrednim subjektom "KONIS" društvo za uslužne djelatnosti sa ograničenom odgovornošću sarajevo, ul. Skenderija br.27, Sarajevo.

II **Za privremenog stečajnog upravnika imenuje se mag.oec. VUKOVIĆ EMIR iz Sarajeva, ul. Alojza Benca 2, Sarajevo**

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlašćenja da uđe u poslovne prostorije dužnik i provede neophodne radnje,
- utvrditi da li postoje razlozi i uslovi za otvaranje i vođenje stečajnog postupka,
- utvrditi imovinu stečajnog dužnika odnosno šta čini stečajnu masu,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i uraditi kontrolu poslovanja stečajnog dužnika,
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.

III Mjere pojedinačnog prinudnog izvršenja pokrenute protiv stečajnog dužnika privremeno se obustavljaju. Izlučna i razlučna prava povjerioci ne mogu ostvarivati u prethodnom postupku.

IV Pozivaju se povjerioci da predlože mjere osiguranja nad predmetima i imovinom stečajnog dužnika.

- V Ovo rješenje će biti istaknuto na oglasnoj tabli ovog suda sa danom donošenja.
- VI Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj 65-01-0273-13 (stari broj 1-2149).

O b r a z l o Ź e n j e

Dana 25.12.2023. godine, ovome sudu podniet je od strane INTESA SAN PAOLO BANKA DD BOSNA I HERVEGOVINA, prijedlog za pokretanje stečajnog postupka nad imovinom "KONIS" DRUŠTVO ZA USLUŽNE DJELATNOSTI SA OGRANIČENOM ODGOVORNOŠĆU SARAJEVO, ul. Skenderija br.27, Sarajevo.

U prijedlogu je navedeno da su društvu "KONIS" d.o.o. Sarajevo, ul. Skenderija br.27, Sarajevo svi računi blokirani, da je isti platežno nesposoban te da postoje i zakonom utvrđeni uslovi za otvaranje stečajnog postupka utvrđeni na osnovu člana 6 Zakona o stečaju FBiH, kao i da je iz dokumentacije koja se dostavlja u prilogu prijedloga evidentno da povjerilac Intesa San Paolo banka d.d. BiH potražuje od dužnika iznos od 65.012,87 KM po osnovu dospjelih kreditnih obaveza koje nisu plaćene u roku dospijeca.

Na ročištu održanom dana 27.03.2024. godine, zakonski zastupnik društva "KONIS" d.o.o. Sarajevo, Aida Šaković je izjavila da stečajni dužnik nema zaposlenih, da postoji više ugovora o kreditu sa mikrokreditnom organizacijom MIKROFIN i da je dug po oba kredita cca od 37 do 39 hiljada KM sa kamatama, kao i da osim kredita od 24.08.2020. godine sa predlagračem nema više ugovora o kreditu, te da je tačan iznos potraživanja koji je označio predlagatelj u iznosu od 64.012,87 KM.

Gospođa Šaković je dalje istakla da joj je poznato da postoje dugovanja prema stečajnom dužniku od strane trećih i da su za par firmi pokrenuli tužbe, a radi se o iznosima od 1.000,00 KM do 2.000,00 KM, kao i da je firma utužena ali da ne zna ko ih je tužio i u kojoj su fazi ti postupci.

U odnosu na upit suda da li društvo ima pokretne i nepokretne imovine, gospođa Šaković je izjavila da društvo nema nepokretne imovine jer je sva prodana prije njenog dolaska, da imaju auto koje je u vlasništvu društva na koje je MIKROFIN upisala založno pravo, a da je vrijednost vozila cca bila 9.000,00 KM prije dvije godine.

Našavši da se u konkretnom slučaju radi o dopuštenom prijedlogu, a radi utvrđenja da li postoji stečajni razlog i da li postoje svi uslovi za otvaranje stečajnog postupka, te imajući u vidu činjenicu da je predlagatelj kao povjerilac uplatio predujam za pokriće troškova prethodnog postupka, sud je donio odluku kao u izreci, primjenom člana 61. Zakona o stečaju.

STEČAJNI SUDIJA

Nebojša Joksimović

POUKA: Protiv ovog rješenja žalba nije dozvoljena.